



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 48. Falsi Prophetæ Calviniani in Galliis.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

§. XLVIII.

Sæc. XVII.
A. C. 1688.

Falsæ Prophetæ Calviniani in Galliis.

Annus hujus sæculi octogessimus octavus non minus violentis motibus, cruentisque bellis, quam diabolicis præstigiis mendacisque in hæresis defensionem proculis longe feracissimus erat; præterquam enim, quod Calvinianus quidam Propheta in numero octogesimo octavo ingens mysterium latere jactitans, ad hunc annum aut mundi aut Pontificii imperii ruinam excidiumque falso prædixisset, insuper integrum ejusmodi impostorum agmen ex iisdem Calvini castris in Gallia prorupit, qui sectæ suæ veritatem falsis vaticiniis miraculisque stabilire nitentur, cumque Regi suo seditiosis armis resistere haud ultra possent, per conductitios fraudum architectos, falsis divinationibus, & nescio quibus artibus diabolicis Religionis suæ libertatem vindicare certabant, luculenter demonstrantes, quo spiritu agerentur, & qua sanctitate polleret illa religio, quæ in veritatis divinitatisque supplementum mendacia, infana somnia, falsasque prophetias in opem vocare cogitur: Ejusmodi moliminis specimen non sine æterna Calvinistarum infamia & pudore

Carol. mem. Eccl. Sæc. XVII. l. 9 p. 480. Jæger Hist. Eccl. l. 7. cap 10. Arnold. Hist. Hæret. vol. 2. c. 24.

Sæc. XVII. A. C. 1688. dore ediderunt hoc anno Cebenenses, qui vulgo *Camisards* dicti, atque Juriei Prædicantis imposturis decepti, & Principis Auriaci promissis delusi factionem conflagrunt, infanoque furore falsas sparserunt Prophetias; his præluxerat in Delphinatu rudis quædam puella, nomine Isabella Vincentia. Hæc Patre Opilione Calviniano nata, decimo quarto ætatis suæ anno Catholicam religionem amplecti simulabat, mox tamen palam ad vomitum reversa sæpius ex improvise humi prosternebatur, atque inter miras, indecentesque corporis agitationes psalmos canens, pœnitentiam inculcare, Hugonotarum Ecclesiis in Gallia pacem & liberationem a jugo Pontificio prædicebat: acriter etiam invehebatur in Catholicorum fidem, atque in eos, qui ejuratis erroribus ad Romanæ Ecclesiæ sinum reversi sunt. Ea res ingenti gaudio affectit Hugonotas, qui suam sectam tam prodigioso vaticinio firmari tripudiabant; ut autem saltem ex numero novæ huic Pseudo-Prophetissæ, ejusque dictis auctoritas accederet, non modo in Delphinatu, sed etiam in Occitania, & Vivariensi Provincia Viri, fœminæ, senes, juvenes, pueri ac puellæ se divino ejusmodi spiritu afflari fingebant, qui tubante capite, detortis oculis, tremulis

mulis manibus, intumescente ventre Sæc. XVII.
 fermocinantes Calvinistis prænuntia- A. C. 1688.
 bant, vexationem Hugonoticam intra
 tres annos esse finiendam, & prope-
 diem magnalia Dei in gloriosa Ecclesiæ
 Calvinianæ liberatione ab Anti - Chri-
 stiano jugo mox confringendo con-
 spectum iri, Regem Gallorum proxime
 a fide Catholica ad Calvini sectam tran-
 siturum, atque ab eo Synodum Gene-
 væ congregandam esse, tum proximum
 Pontificiæ Religionis exterminium in-
 stare, & dehinc venturum Christi Re-
 gnum super terram. Insuper petulan-
 ter contra Missæ sacrificium declama-
 bant, cunctosque, qui defecissent, ad
 reformatam Ecclesiam redire jubebant.
 Ut hosce fanaticos ad saniora reduce-
 rent, extremis viribus non modo labo-
 rabant Catholici, sed etiam ex Calvi-
 nianis Præconibus quidam, quos inter
 primus erat Merlatus Laufannensis
 Præco, qui edito libro illos tanquam
 Pseudo-Prophetas infectatus, pro per-
 ditissimorum hominum colluvie habe-
 bat, eoquod inordinatis & non raro tur-
 pibus etiam, agitationibus in ipsa sua
 ementita ectasi indecoros cachinos e-
 derent, ac diaboli impetum, a quo im-
 pelluntur, ferendo impares, commota
 mente velut in ventum verba jactita-
 rent, pluraque, quæ nullum habuissent
 even-

Sæc. XVII. eventum, temere effutiissent, suisque
A. C. 1688. deliriis homines a Verbo Dei abduce-
 rent, quin & multis caussa violentæ
 necis forent: Consulebantur etiam Mont-
 Pessulani Medici, qui eos pro fanaticis
 habebant. Petrus tamen Jurieus, qui
 & ipse fanatico spiritu obsessus Calvi-
 nistas in Franciam revocandos atque
 adventum Regni Christi vigesimo sexto
 post anno esse expectandum, falso di-
 vinabat, hos impostores in literis suis
 pastoralibus publice anno sequenti vin-
 dicare aggressus, pro divinitus afflatis
 agnoscebat. Cum igitur hi amentes
 nec ratione, nec minis a suo furore re-
 vocari possent, acerbiora tentare re-
 media oportuit: Rex igitur omnes nul-
 la ætatis, sexus aut dignitatis habita-
 ratione tanquam pestem Reipublicæ
 perniciosissimam in carceres detrudi,
 liberos ab aliis deceptos a Parentibus
 ad Magistratus deferri, necnon eorum
 conventicula, quæ in cryptis & silvis
 agebant, dissipari jussit: adeo vero hac
 severitate fanaticus hic spiritus expelli
 non poterat, ut etiam Cebenenses pro
 suæ Religionis libertate arma sumerent,
 atque in Regios milites, & tecta & Tem-
 pla inhumane sævirent: Non deerant
 ex illis, qui Galliarum Regis, quem
 pro sua reverentia Gallicum Pharao-
 nem nominabant, necnon Papæ exci-
 dium

dium ad annum millesimum septingen- Sæc. XVII.
 tesimum, necnon imminens Regnum A. C. 1688.
 Chiliafticum, cujus se nuntios men-
 tiebantur, prædicerent. Insuper qui-
 dam nomine Clarius, qui Calviniano
 Cebennensium exercitui unacum Joanne
 Cavalliero præerat, dæmonis ope
 ex accenso rogo integer exivit. Præter
 Clarium ipse Cavallierus, Fagius, Ma-
 rionus, Rulandus, Mazelius, plures-
 que alii, qui pro Calviniana secta pu-
 gnarunt, diabolico hoc spiritu agita-
 bantur, quorum tamen aliqui, ut pro-
 meritas effugerent pœnas, in Helve-
 tiam & inde in Angliam secesserunt,
 ubi quosdam etiam magni nominis Af-
 feclas invenere, postea tamen crescente
 eorum ferocia, cum Præconum Sena-
 tui, qui eos iterato convocatos mone-
 bat, ut falsas prophetias, simulatasque
 ecstases abjicerent, obtemperare recu-
 sarent, datamque fidem de proximo
 eorum discessu violarent, hinc ineunte
 anno Christi millesimo septingentesimo
 septimo ab eorum communione exclusi
 fuere, per publicum decretum lato de
 his hoc iudicio: *Cebennenses istos Ecclesiæ,
 reique publicæ illudere, Ecstases eorum esse
 voluntarios motus & effectus, quos ipsi in
 potestate sua haberent, quamvis inter ipsas
 agitationes a superiori quadam causa mo-
 veri viderentur, istos paroxismos prorsus
 esse*
Hist. Eccles. Tom. LXV. Ll esse

Sæc. XVII. esse indignos spiritu Divino, in sermone
 A. C. 1688. illorum esse perpetuas hæsitaciones & singul-
 tus, pueriles repetitiones, impervia cognita
 argumenta, complures contradictiones, a-
 perta mendacia, conjecturas in vaticinia
 versas, atque eventui contrarias, & mo-
 ralia ubique non satis sana, quamvis ipsi
 hæc omnia Deo blaspheme adscriberent. Hoc
 Anglici Senatus iudicium approbarunt
 ceteri Franciæ Prædicantes, quorum
 impulsu ipsimet Protestantes adversus
 hosce fanaticos insurrexere, quia vero
 summo Pontifici & Galliarum Regi pro-
 ximum exitium, aliaque identidem in-
 geminabant, hisce seditiosis mendaciis
 plures etiam doctos, Nobilesque Viros
 sibi conciliabant, & quo frequentius
 Prædicantes in eos invehebantur, eo
 magis plurium aviditas, rei que novæ
 cupido accendebatur, unde factum, ut
 Anglorum quamplurimi non modo ad
 propheticos eorum cætus confluerent,
 sed & ipsi ecstases & vaticinia menti-
 rentur: Haud levis illorum rebus ac-
 cessio facta est, postquam Maximilianus
 Missionius, & Nicolaus Faccio insignes
 Mathematici, necnon Richardus Bul-
 kelius & Joannes Lacijs ambo divitiis
 & doctrina celebres sese illis adjunxere,
 illos enim mox alii certatim secuti sunt:
 Aucto igitur eorum numero & audacia
 Faccio & Marionius somnia & menda-

cia

cia sua typis edere, ea vero Lacijs ex Gallico idiomate in Anglicum vertere præsumpserunt. Enimvero Gallico-Sabaudici Prædicantes nefandum hunc librum blasphemiae, seditionis, & erroris damnarunt, Marionius tamen edito libro hosce Pseudo-Prophetas defendere aggressus est, pluresque alii ejusmodi libros divulgavit, contra quos tamen præter Gallos, Anglosque Edmundus Calamus, & Georgius Keith insurrexere, eosque cum Quackeris compararunt. Hactenus nimis indulgenter cum hisce fraudum Architectis agebatur, cum autem horum numerus & errores ipsis Calvinianis Prædicantibus Gallicis infesti essent, ut a sua secta sacrilegi mendacii, falsæque doctrinæ calumniam amolirentur, Regios Judices implorarunt, ut contra Marionium, Faccionem, & Daudæum maligni libri Auctores jure agerent: Horum igitur sententia die prima & secunda Decembris eodem Anno hi Impostores in infami palo injuriis vulgiqueludibrio tanquam fatui ac perditii homines exponerentur: nihi ominis eorum numerus ex Philadelphensibus, Socinianis, Tremulis, ipsisque Anglicanæ Ecclesiæ inquilinis plurimum augebatur: Postquam vero ex illis Lacijs Emesum Chirur- gum pariter fanaticum hominem, qui

Sæc. XVII.
 A. C. 1688:

Edenburgum demigrarunt, ubi pluri- Sæc. XVII.
 mis ad suas partes pertractis novos A. C. 1688.
 tamque graves in Scotia & Hibernia
 tumultus concitarunt, ut Anglia ab
 Henrici VIII. schismate innumeris se-
 ctarum fluctibus jactata rursus cum no-
 vis Sectatoribus conflictari compulsa
 esset.

§. XLIX.

*Continuatæ Leopoldi Cæsaris victo-
riæ contra Turcas.*

Hic item annus Cæsareis armis au- Jøeger Eu-
rop. Hist.
Wagner
Hist. Leo-
pold. I. 10.
Hist. du
Prince Eu-
gen. t. I.
lib. I.
 spicatissimus fluxerat; postquam
 enim Caprara Cæsareus Sclavoniæ Præ-
 tor Abasium Principem, totamque
 Transylvaniam miris humanitatis offi-
 ciis potius quam armis ad Cæsaris ob-
 sequium reduxerat, Turcæ præfidiarii
 diuturna obsidione, inedia & fame fa-
 tigati Albam regalem Hungariæ infe-
 rioris urbem deditione Cæsareis die de-
 cima Maij cesserunt, Belgradum na-
 vigiis deducti: idem fatum Lippa Urbs
 unacum gemina arce subiit, præfidiarii
 tamen, eoquod ultroneam deditonem
 rejicerent, capti omnes bis mille un-
 cum foeminis & reliquo vulgo Teme-
 siam abstracti sunt. Expugnatis hisce
 Urbibus Belgradum obsidere, fixum
 destinatumque erat: hancque in rem

